


續猗氏縣志

坤



續修猗氏縣志序

蓋聞莫為之前雖美弗彰莫為之後雖善弗傳猗邑縣志自同治六年前令周君蓮甫續修距今未遠而其間光緒三四等年山右連遭大祲赤地千里河東列郡被災尤重幸賴

爵撫憲曾 會同

欽差閣 部堂交章籲告

續猗氏縣志 序

聖天子軫念元元立發內府錙金截撥東南漕米並詔各省協濟晉餉賑糶兼施多方拯恤

湛恩汪濊莫可名言伏查河東一帶均屬奇荒而猗尤難營救東鄰安邑截涑水之流尚可以資灌溉猗自涑河故道關於上游水利頓失向之沃壤慨石田矣北接萬泉賴有方山屏蔽土脈稍潤麥雖未種黍尚



可收猗則附近方山者尚有升斗之獲近
城及東南西三鄉禾苗盡槁顆粒不登彌
望旱荒真堪蒿目西倚臨晉殷商巨富甲
於蒲東一為倡捐萬金立辦猗則戶鮮素
封通融匪易猝遇荐饑束手無策且其時
麥價昂貴每石值銀伍十餘兩雖賣田折
屋鬻兒貼婦難營一飽道殣相望餓莩載
途草根樹皮食且殆盡此真從來未有之
彈丸一邑仰賴

續猗氏縣志

序

二

皇仁

憲德源源接濟自丁丑孟秋起至己卯孟
夏止共領放賑糧二萬餘石黎元始得再
生之慶矣余自己卯季夏來莅斯邑即接
辦一切善後事宜欲將災賑諸務勒諸志
乘昭示來茲而下車伊始諸務紛繁未暇

及也旋奉

爵撫憲檄飭在省設局重修山西省志通行各州縣續舊增新各成志書以備採輯遵即在城設局訪求文望夙孚之士查本邑儒學教諭潘在田先生品既端正學有淵源在任已歷九載於土俗民情委為熟悉敦請到局襄同纂修並延邑紳分司採訪參互考訂期於毋濫毋遺此十餘年中

續猗氏縣志

序

三

凡夫災賑之事蹟賦稅之蠲免風俗之因革戶口之增減土壤之蕪治倉儲之動存氣數之祥異職官之循績士民之任恤歷科之選舉

旌予之

封典耆頤之人瑞傳述之藝文以及忠臣孝子義士節婦足以維持風化振厲人心者皆欲得而表揚之至同治六年以前前志間

有遺漏亦均補入若夫星野疆域城池橋
梁祠宇公廨各項悉仍其舊無庸贅述歷
查舊志肇修於前明萬曆癸丑盤陰馬君
增修於我

朝康熙癸丑寶婺陳君續修於雍正己酉文
登宋君又接修於乾隆甲午歷城毛君合
同治六年清苑周君蓮甫之修凡五次矣
今余承乏斯邑又值志書應修之時自維

續猗氏縣志

序

四

輟陋莅任未久見聞多疏縱虛衷諮訪難
免挂漏之譏且慮有體裁未合例義未諳
尚望同人匡其不逮則幸甚也時

光緒六年歲次庚辰季春上澣

賜進士出身前翰林院庶吉士知猗氏縣事泉

州徐浩識



余以庚午來猗與諸生相見詢及風俗人情古蹟之留遺科名之多寡僉曰斯地在國初最為鼎盛今凌夷不堪言矣竊思學官雖無守土責而培植人材亦化民成俗之要務因不揣固陋每遇諸生即以立品勤學反覆提撕余既自忘其言之煩而諸生亦相安於余之拙惟是寡聞淺見又加荒疎自誤誤人殊深惶愧光緒三年以來疊

逢災禳猗之人民有死於饑餒者有死於逃亡者有死於疾病瘟疫者老幼悲呼聲徹城市尸骸枕藉跡徧道途前邑令趙公邀余及同城官紳放倉儲勸捐賑設育嬰堂以養棄孩立樂善局以掩枯骨朝夕拮据奔走不遑無如涓滴之流難蘇涸轍古人云救荒無奇策真名言也會趙公以事去任寶坻徐公以庶常來莅斯邑奉

爵撫憲札飭續修縣志時邑中諸孝廉皆
束裝北上應禮部試念余在猗日久芻蕘
一得或可兼資令秉筆以從諸君子後余
聞之不覺顏汗伏念修輯之難在令有三
前志之修去今未遠蒐羅事實所積無多
一也火荒之後故家世族轉徙流離斷簡
殘編十失七八二也孝子節婦守正不阿
白水盟心黃泉飲泣欲問其事而父老云

亡欲訪其居而鄉鄰略盡遲回輾轉疑信
半參諸如此類不可勝數三也合茲三難
益以余之僉鄙何由勝其任哉第身居學
校不能激濁揚清以正人心而維風俗素
餐之咎抑又奚辭用敢自竭蟻忱聊附驥
尾不避拘墟之誚思存直道之公斯舉也
賢邑宰總其成諸君子分其勞余不過懷
鉛握槧以代鈔胥焉耳若夫媿美先哲垂

示將來則吾豈敢

辛酉科舉人猗氏縣教諭潘夢龍撰



吾邑自遭荒以來民之疲敝甚矣其初貧
窶者朝不謀夕而小康之家尚可支持其
後糧價騰貴田產衣服售價不逮十分之
一向之所謂小康亦不免於貧窶何也吾
邑風俗務本重農種地數頃即稱大戶連
遭歉歲十室九空家無存糧設有二三十
口待哺每月所需口食不下數石按照市
價已過百金就令種地數頃急欲折賣按

畝易銀得錢無幾是賣地數頃止足供合
家一月之食也矧災荒之際誰復廣置田
產即有置者一家置地衆人爭售地未售
盡而人已作餓莩矣銘等自光緒三年秋
奉前邑侯泌陽趙公命協同放賑勸捐育
嬰掩骼並在河南鐵謝山西平陽運城茅
津等處領運米糧又恐各村公保散賑未
均下鄉查閱戶口有舉家無一存者有僅

賸寡婦稚女子然無依者甚至不遑恤後
拋棄所生呱呱載道見者心傷隨同趙公
設法撫卹以保遺民旋遇趙公以事去官
我邑侯寶坻徐公由內翰銓令職公以清
華之選出宰百里長材短馭人皆惜之而
公勤撫字息訟獄夙夜孜孜不遑寢處下
車即以大祲之後民困未蘇籲請
憲恩蠲免正賦繼而發耕牛查荒地散工

續猗氏縣志

序

二

本放籽種皆係身親不假胥吏之手苟利
於民知無不為茲奉

爵撫憲札飭續修縣志命銘等細加採訪
協同編次竊思我公履任以來激濁揚清
興利除弊維持風化振作人文為吾邑謀
者至矣而忠孝節義之懿行聽其湮沒而
不彰恐乎哉用是審擇詳搜期無遺濫集
見聞於桑梓不棄寸長資詢度於芻蕘咸

登尺牘第恐管窺蠡測所得無多補闕正
訛不能無望於後之人也邑人秦銘西等
公識

續猗氏縣志

序

三

續修縣志姓氏

纂修

知猗氏縣事 徐浩 辛未進士甲戌翰林直隸寶坻縣人

協修

候選 布政司 經歷 俞汝寅 附生浙江歸安縣人

猗氏縣教諭 潘夢龍 辛酉舉人聞喜縣人

猗氏縣典史 壽福謙 附貢生順天涿州人

校對

候選 州吏目 馮鴻恩 直隸甯河縣人

從 九 王錫綬 直隸新河縣人

續猗氏縣志

卷上

一

邑 人 秦銘西 癸酉歲貢

邑 人 楊德潤 甲子歲貢

邑 人 衛萬篇 庚午舉人

邑 人 岳封荆 附貢大同教諭

編次

邑 人 王道正 壬申歲貢

邑 人 令狐鐸 廩貢試用訓導

邑 人 陳宗泗 附生

邑 人 楊毅 廩生

邑 人 孔慕融 增生

凡例

一民爲邦本戶口一項自應弁諸簡端猗邑素稱富庶自逢大祲生齒彫殘蓋藏空乏逐細查錄雖似冗繁而各村被災之輕重於此可見

一田賦租課倉儲等項向有定額前志已詳自光緒三年辦賑以來地畝有荒蕪賦稅有蠲免倉儲有動存查明備載以識

朝廷惠鮮懷保有加無已之至意

一城池橋梁祠廟公廨等項規模依舊前志可稽毋庸重叙

續猗氏縣志

卷上

二

一職官無論久暫均有典守之責前志僅紀實任不及署理自應溯查補入其有年分太遠卷帙失存無由考其姓氏者姑從其闕

一選舉仕籍封廕一時固未極其盛然士人顯榮所係亦

國家名器攸關仍踵前志備爲臚述不敢遺略

一人物一門前志有蓋棺論定之議今取現在者以實之得毋諛乎然蕞爾一邑且距續修未遠成格似不必拘且亦不敢薄今人又安知不懈而不及於古乎一前志合孝義爲一門今專舉孝子示區別也若夫義

之所賅甚廣而緩急相通廉隅自飭乃其大者故於孝子之外分列任恤廉介二門

一舊志載耆壽取其齒德兼優尚已然災祲之餘依然矍鑠壽亦難也龐眉皓首白髮華顛其亦九九松柏之姿乎

一列女節婦實係風化之原今詳加採訪俾無遺漏以闡幽光

一醫卜星相各精其業亦均有裨於世道仍立方技一門

一祥異之見雖曰天道豈非人事休咎之徵有自來矣

續猗氏縣志

卷上

三

謹誌之以當殷鑒

一藝文襄錄前志幾獲全美今復撫拾遺篇附以近人所作鳳留片羽豹見一斑亦嗜古者之同癖也

一前志所遺之事均各補入本門斷鶴續鳧所不逮恤冊尾僅錄補遺總叙不立專門

一前志所載間有訛誤如書院地畝張村堡王家莊兩處總數細目核對不符姑爲更正

續猗氏縣志目錄

卷一

戶口

田賦

稅課

倉儲

風俗

災賑

土產

卷二

職官

循績

選舉

仕籍

封廕

續猗氏縣志

卷上

四

卷三

人物

忠烈

孝子

任恤

廉介

耆壽

卷四

列女

方技

祥異

藝文

雜志

補遺總敘

正誤

戶口

猗邑戶口有繁前志載之詳矣我

國家休養生息二百餘年黃髮擊壤元韶巷歌卽一隅而富庶之象見焉大荒以後戶口雕殘多者十損六七少亦十之三四就猗邑而論西北一帶土脈稍潤種黍賴以存活死亡較少東南一帶旣失水利又無地利死亡較多綜而計之被災最重者以香落爲劇而楚侯一帶次之峨嵋嶺附近諸村則稍輕焉嘻均此地也向之人煙輻湊者今則寥落無幾矣按戶以稽或絕故或逃亡或斃獨無告撫斯土者宜何如撫

續猗氏縣志

卷上

五

字俾得以蘇其困而厚其生歟

城四坊

貴戚坊

光緒三年土著四百四十四戶男婦大小一千八百八十六名口現存二百七十戶九百八十四名口

崇道坊

光緒三年土著一百四十二戶男婦大小五百三十九名口現存六十八戶二百五十一名口

三相坊

光緒三年土著一百五十八戶男婦大小六百六十三名口現存一百九戶三百七十名口

續猗氏縣志

卷上

六

興教坊

光緒三年土著三百七十四戶男婦大小一千六百七名口現存二百二十九戶八百三十九名口

以上三年通共一千一百一十八戶四千六百九十五名口現存六百七十六戶二千四百四十四名口

東南路共三十村

董家莊

光緒三年土著一百八十九戶男婦大小八百六十二名口現存一百七戶三百六十三名口

楚侯村